

巴陵縣志洞庭集下編 賦

國朝

黃秀 見本集  
詩編

洞庭湖賦

客有遨遊楚澤之濱艤舟湖湘之涘望巨浸之稽天浮空際而  
逶迤觀衝波之汨地勢奔騰其如駛合九江五瀦而匯流溯泝  
將暨乎千里異震澤彭蠡之溶瀾雄風獨擅於南紀是以浩浩  
淼淼滾滾沄沄維岳之陽厥名洞庭夫洞居幽壑而深邃庭處  
堂奧而成尊控沅澧以作戶跨荆漢以爲門貯瀆辰之湧澗收  
瀟蒸之潺湲萬派於焉吐納百川於焉並吞通吳會莫窮其委  
巴陵縣志 卷之六十九 洞庭集下編 賦 一

厯蜀廣始溯其源在宇內洵稱爲大觀卽 王國亦倚爲屏藩  
矣當其瀾漫無際而溯澹相激也若洑洞之方割若渾沌之初  
析若大邦之受附庸若龍門之導碣石若罡風之天半颺颺若  
迅雷之橫空搏擊又若萬馬之追奔驟馳而千軍之銜枚走疾  
震撼澎湃黯黯自失試觀扶桑東昇恍出龍堆望舒西沒疑隱  
鮫室湍轉則星辰如浴濤飛則天河似沸乘槎則足躡斗牛攜  
艇則身入蟾窟且有山踞於心穴穿於腹潭旣垂其落絲嶂復  
峙乎靈屋聳青螺以障迴狂瀾列壺嶠而洵堪髣髴爾乃四序  
遞遷忽寒忽暑百物蕃滋或茹或吐涸爲洲浮爲渚蒸爲雲散  
爲雨蜃擁樓而氣同海市蚌含珠而光搖玉宇陰霾忽迷乎朝

暉陽燄時熠於孤渚靈隱怪現杳然莫克僕數而氣象萬千寶  
難定於天之奧府倏而和風微扇霧斂烟霏條而轟雷乍響雲  
垂水立散曉霞於春明澱紋盈茲萬斛懸浩月於秋空碧練橫  
其千幅漠漠聯霄漢以難分茫茫見水天之一色至若魚鼈游  
泳於中流蘆荻叢聚乎岸側鳧雁振翮以飛鳴蛟龍鼓浪而奮  
翼無小無大時萬時億凡屬隩區之產育罔非波臣所生殖況  
乎異蹟閱古今既爭奇以疊出而仙蹤畱名勝復變幻其何極  
欲溯洄以從之殆可望而不可卽抑又聞之黃河九曲區地岷  
長江萬里限南北茲湖滔滔莫能測遂俾楚甸中擘劃當夫世  
際其平鯨浪用以潛消迨乎龍戰於野鼉穴亦屬易宅在昔有  
巴陵縣志

卷之六十九

洞庭集下編

賦

二

苗阻茲聲教麋子恃其險辟杜弢誘溪蠻以悖叛楊么竊湖濱  
而充斥方謂天塹莫能踰詎識地利難爲藉故干羽旣舞苗民  
格矣雍澄旣奔麋土裂矣士行有征貢請降矣岳侯進討逆受  
磔矣卽或肆驚濤怒浪之殊觀創車舫鳥艘之異式而櫓槍爲  
之頓掃狼烟爲之悉滅總由難恃者險難敵者德旣共覩朝宗  
於江漢不且永觀澄清於澤國也哉客於是始則愕然驚繼則  
懼然樂久之油然思終復爽然豁爰爲鼓枻而前擊楫相向陟  
君山以凭弔登岳樓而惆悵想洞庭之著稱天下惟厥大其誰  
與讓因躊躇以四顧且俯仰乎下上乘除自識乎方來興衰堪  
稽乎旣往慨乾坤之長浮睇宇宙之邈曠察無窮於盈虛悟有

本之蕩漾借八百之餘潤溥四海以咸放縱予目兮遠覽攄予  
懷兮獨暢聊爲抒詞以形容而甯能罄斯湖之勝狀復爲之歌  
歌曰維彼河兮稱四瀆首維彼海兮作百谷王淮兮漢兮滉瀟  
滂沆獨此洞庭灌注芊疆旣廣且袤遙接炎荒夾赤沙兮連青  
草蒸雲夢兮撼岳陽直欲與河海爭霸共推爲五湖雄長吾將  
駕桂蘭兮作楫叱鼉鼉兮爲梁逍遙乎蒼梧之埜馳騁乎廣樂  
之鄉欣文魚兮變化看大鵬兮高翔思帝子兮降自北渚望美  
人兮在水一方

費元傑

見本集  
詩編

洞庭湖賦

巴陵縣志

卷之六十九

洞庭集下編

賦

三

荆稱澤國水以爲鄉北流江漢南衍瀟湘坼吳楚於東南浮乾  
坤於渺茫合九江而瀦之則洞庭獨擅乎岳陽匯泉源乎西粵  
壯吐納乎湘南衡嶽之所迅激星沙之所浩汗注汨羅之瀟浦  
灌沅水之彌漫連青草以曠邈薄赤沙於澧蘭漲滄湖其餘潤  
淪夢澤乎南安噓喻羣水兼包眾瀦列五郡而分布環七邑以  
聚攢誠南條之巨浸爲宇內之奇觀若乃崑崙之石海風飄泊  
江上數峯崢嶸磊砢浪奔騰而奮擊波洶涌而飛薄聲如雷响  
又如鼓作流沙逐而往還立石隨以前卻驚濤之所震撼怒浪  
之所剗削陵谷爲之變遷川原爲之舛錯爾乃吐雲霓吞日月  
產龍蛇育魚鼈蛟螭以之爲宮鼉鼉以之爲宅江豚迎風而拜

舞海蚌舒珠而擘裂大則鯨鱣噴浪鼓鬣細則鰕鱖浮波飲液  
巨蟒元龜蠖蝸蠃蠅或混淪乎泥沙或潛伏於莽澤其羽族也  
則有鴻鴈鳧鷖鷺鷥鷓鴣立鷗浮飛鷺鳴鳶梁燕銜泥而掠  
漿神鴉攫肉以隨船凌波濯羽矯翮摩天千聲萬啄互聒爭喧  
至若芳草葍葍佳卉葱蘢葭蒼蘋白蘋青蓼紅菁茅賦於禹貢  
苻藻詠於國風離騷所記則蘭芷杜蘅宿莽芙蓉子虛所稱則  
雕胡菱芡菖蒲芎藭敷榮吐秀接葉連叢洵水國之富奧更僕  
數以難窮當其春和景麗色醉巴陵九疑滴翠二酉浮青武陵  
桃花而浪暖章臺楊柳以風輕望龍堆之沙白探橘井而月明  
挂征帆於遠浦發漁歌於杳冥游春者引爲娛目傷春者對之  
巴陵縣志

卷之六十九

洞庭集下編

賦

四

愴神若夫岷峨雪消荆江暴漲秋水至而灝淼長風起而鼓盪  
氣蓬勃以霧交時鬱律其烟散類混沌之欲剖象太極之未判  
旣偃虹之莫續將百川以誰障四顧邈然環無歸向驚心駭目  
倏忽萬狀矧迺山水之靈怪異奇偉空中蜃氣以乍變澤國陽  
燄而自起通地脈於吳山潛達道於坎底聲響傳其虛應伏流  
計以千里是又造化之幽祕不可窮之事理爰是臨流覽勝望  
古興思軒皇鑄鼎於荆山曾張樂以咸池二妃遙睇乎蒼野羌  
染竹於湘湄慕夏禹之文德待七旬乎匪遲羨武穆之神算刻  
八日以稱奇問漁父於滄浪悲逐臣於楚辭詢泉香而荒遠撫  
赭樹以迷離起青蓮而買酒邀羽客以吟詩感江山之助興識

憂國之與歸觀原泉之有本歎逝者之如斯臨淵流而羨魚懷舟楫以何期述見聞於所習用獻賦於清時

方竹

字君山道光  
癸卯歲貢

### 五渚賦

湘東主人搜雜次之奇編闡龍威之密祕浮湘討源按圖識地客有從洞庭來者主人曰子亦知五渚之事乎客曰湖爲五湖吾見其流瀆滉也溪稱五溪吾見其源激蕩也江有九而漿灑瀟湟澤有七而浪瀾泱泱固已吞八九之雲夢窮萬千之氣象而何知乎渚之爲名五之爲廣主人曰噫嘻子過矣維江有渚周詩是謳因岐成渚郭賦有由韓詩紀一溢而一否爾雅誌小巴陵縣志

卷之六十九

洞庭集下編

賦

五

沚與小洲帝子降兮北渚容與騷人駕兮枉渚夷猶江渚之名厥跡可求吾子胡爲乎爲之涸溯竟未諮諏且吾嘗見乎注水經者牽大江於四水之內記風土者折靡湖爲五水之儔此皆忘乎三湘之正派而取足於五渚之分流者也試爲子指掌而覩縷依跡而旁搜懿夫清湘源出陽海冠九水而特長納眾流而悉在合二十四湖之遙邇水色拖青極三十六灣之回環月明耀采并入銅官浦口洪濤鼓盪以橫飛平連金子灣頭拗風激揚而力倍麻溪浮浮蘆陵浼浼車輪之浦猶存鼓磬之洲未改此固作領袖於五渚之先而爲資沉微澧之所交滙湘水北流資江東注邵河揚湍茱萸分布潭有白鹿羊角之瀦洲有煙

波三台之數其灘則上有志溪龍會橫口黃婆之奇下有五羊蓮花龍洞董澤之渡響板干聲泉鋒一路舟不及旋人不及顧忽至益陽江口正流則江浦奔趨驚來瓦石磯邊支派則湘波競赴此天心湖所爲瀦停高口水所爲吞吐也其下有水馬出於牂牁入白橫房沉瀼晶滌亦會於湘當其下壺頭經龍陽歷汜洲會滄浪綠蘿映帶白馬汪洋森森泛桃花之色悠悠流芷草之香壽溪瀨浦而下會鼎江仰承而恰當合查浦而滌泅洋港臨萬浦而曲遶楮塘則所謂沅江之瀦厥名尤彰其下又有水馬曰武陵江者是澧水入江之所也夫浦或曰佩亦名爲蘭狼跋之湖儲其勢生蠶之口泛其瀾温縷淩潔齊其力黃泔澹巴陵縣志

卷之六十九

洞庭集下編

賦

六

道並其觀注而爲潭者以二爲計淤而爲洲者以八爲端此瀦所爲歷白泥而圖潏會赤沙而瀾漫若夫湘水之右下雋舊都厥有微水又曰麋湖麋湖之口卽其下區據銅盆而臨斗子沂磊石而望香爐擁龍堆兮千疊占鹿角兮一隅青草近接而並勢紫港遙望以齊驅尋源竟委茫乎浩乎凡此經以一水緯以數川流而成江漱而爲淵汙渟瀦瀦不知其數十百千所由跨州之門戶而成五瀦之漪漣故天用五材而瀦旣擅水德靈長之義圖衍五數而瀦復協中央土德之前此五之所爲稱而瀦之所以傳歟昔者荆人是守秦人是取戰國縱橫厥用此土自是軍山爲伏波屯兵之區龜臺爲子敬駐兵之部古蹟攸存更

僕難數吾子顧忽之是何異操蠡於海濱染指於江浦也且子亦思跨江湖之大孰與夫抗荆漢諸流而據其上游也震溪澤之名孰與夫納黔蠻諸水而扼其下戶也客乃肅然而興瞿然而憮然後乃知洞庭之雄淵源之古因相與歎想夫安瀾之世而穆然於柔懷之 聖主

巴陵縣志

卷之六十九

洞庭集下編

賦

七

